




REPUBLIKA E SHQIPËRISË
GJYKATA ADMINISTRATIVE E SHKALLËS SË PARË SHKODËR

Nr.910 regjistri, datë 12.1.2015.

Nr.215 vendimi, datë 18.3.2015.



V E N D I M
NË
“EMËR TË REPUBLIKËS”

Unë **Ahmet JANGULLI/ GJYQATAR** në gjykatën administrative të shkallës së parë Shkodër, në Shkodër në datën 18.3.2015, shqyrtova në seancë përkatëse administrative nr.910 akti/ që u përket palëve :

Paditës :

Ramazan Osmani L Tophane Shkodër (pa dokument identifikimi/ letërnjoftimi).

E paditur :

Drejtoria Rajonale Tatimore Shkodër.

Objekti :

Kundërshtim i njoftim vlerësimit me nr.6620 prot datë 8.8.2014 të Drejtorisë Rajonale Tatimore Shkodër.

B. Ligjore :

Ligji nr.9920 datë 19.5.2008 “Për procedurat tatimore në Republikën e Shqipërisë” i ndryshuar. Udhëzimi i Ministrisë së Financave nr.24 datë 2.9.2008.

Gjatë gjykimit, në mungesë të palëve, e si shqyrtova aktet shkresore në tërësi.

KONSTATOVA

I.

1. Se, pala paditëse ka vënë në lëvizje gjykatën me kërkesëpadi/ duke pretenduar sipas objektit.

1.1. padia është regjistruar *pa u paguar* taksa mbi aktet/ e shpenzimet e nevojshme për njoftimet ose shërbimet e tjera gjyqësore.

II. Rrethanat e faktit:

2. Palët me njeri tjetrin, janë në një konflikt, për veprimet administrative të kryera gjatë mbajtjes së aktit administrativ.

2.1. pala paditëse ka vënë në lëvizje gjykatën me padi/ duke pretenduar sipas objektit të mësipërm, duke paraqitur para gjykatës/ padinë e mësipërme (bëhet fjalë për padinë e paraqitur për regjistrim), në një kopje, dhe duke mos i bashkëngjitur asaj/ asnjë lloj akti.

2.2. aktet shkresore, që i janë bashkëngjitur padisë, janë thjesht e vetëm në fotokopje, duke i hequr mundësinë gjykatës, për t'i marrë në shqyrtim (aktet, në fashikull).

3. Çështja (padia) është paraqitur për gjykim në datën 12.1.2014/ nëpërmjet shërbimit postar.

4. Në datën 13.1.2015/ çështja ka kaluar për veprime përgatitore, pa i thirrur palët për t'i dëgjuar.

4.1. në veprimet përgatitore/ në seancën e datës 13.1.2015, kërkesëpadia i është kthyer palës paditëse për t'a plotësuar atë në elementët e saj të nevojshëm;

4.1.1. që kërkojnë nenet 154 e 156 të k.pr.civile, e konkretisht/ në lidhje me:

identifikimin e aktet identifikuese për palët ndërgjyqëse, adresën (vendbanimin ose vendqëndrimin) e palës paditëse, palës së paditur, dhe të personave që përkatësisht i përfaqësojnë ato, objektin, tregimin e fakteve, rrethanave, dokumenteve, mjeteve të tjera provuese, të drejtën mbi të cilën mbështetet kërkitimi, dhe kërkimin (me fjalë të tjera, duhen identifikuar palët ndërgjyqëse, duhet përcaktuar adresa (vendbanimi ose vendqëndrimi) i palëve, dhe i personave që përkatësisht i përfaqësojnë ato, duhet përcaktuar objekti, duhet orientuar kërkitimi, në mbështetje të shkakut ligjor, nëse jeni para këtij kërkitimi, para kësaj ndërgjyqësie në kuptimin procedural e material, mënyra e kërkitimit të së drejtës, duhet parashtruar fakti si për të drejtën tuaj ashtu dhe për të drejtën e shkelur nga ana e palës së paditur, dhe kërkimin e konkluduar), kopje të kërkesë padisë e të akteve provuese për të drejtën çfarë kërkohet, për palët e aktorët që marrin pjesë në çështje, dhe kur është paraqitur kërkesëpadia/ nuk është paguar taksa mbi aktet, si dhe shpenzimet e nevojshme për njoftimet ose shërbimet e tjera gjyqësore;

dhe,

4.1.2. që kërkon neni 21 i ligjit nr.49/2012 "Për organizimin dhe funksionimin e gjykatave administrative dhe gjykimin e mosmarrëveshjeve administrative", e konkretisht/ në lidhje me:

adresën e palës paditëse ose të përfaqësuesit, në të cilën duhet t'i dërgohen nga gjykata njoftimet dhe aktet, e një numër telefoni të saj ose të përfaqësuesit, në të cilin gjykata mund ta njoftojë, një adresë elektronike të saj ose të përfaqësuesit, nëse ka një të tillë, si dhe deklaratën e pranimit të njoftimit me telefon ose në mënyrë elektronike;

sim të datës 13.1.2015/ duke i lënë një afat kohor prej 5
veprimet përgatitore



sipas vendimit kthim për plotësim të datës 13.1.2015/ duke i lënë një afat kohor prej 5 dhe për këtë arsye u ndërprejnë veprimet përgatitore (për më shumë p-v).

Për vendimmarrjen e mësipërme/ paditësi ka marrë dijeni në datën 12.3.2015 (duke zbatuar procedurën e njoftimit, sipas neni 128 e vijues të k.pr.civile), dhe në afatin që i është lënë në vendimmarrje, nuk ka paraqitur para gjykatës/ padi të plotësuar në elementët e saj.

6. *Kërkesëpadia është po ajo që ishte, pala paditëse nuk ka plotësuar asgjë në të, atë çfarë i ishte kërkuar si më sipër, dhe afati që i ishte lënë për plotësim ka kaluar.*

III. Legjislacioni i zbatueshëm:

7. Kodi i Procedurës Civile:

Neni 14

Gjykata ka për detyrë që të zhvillojë një proces të rregullt ligjor, nëpërmjet garantimit të zhvillimit të një hetimi të plotë dhe të gjithanshëm, në përputhje me ligjin.

Neni 154

Kërkesëpadia shkruhet në gjuhën shqipe dhe duhet të përmbajë:

...

Neni 156

Aktet që i bashkëngjiten padisë

Bashkë me kërkesëpadinë duhet të paraqiten:

...

8. **Ligji nr.49/2012 "Për organizimin dhe funksionimin e gjykatave administrative dhe gjykimin e mosmarrëveshjeve administrative":**

Neni 21

Padia dhe aktet që i bashkëlidhen

1. Padia duhet të plotësojë kërkesat e neneve 154 e 156 të Kodit të Procedurës Civile.

...

9. **Vendimi i njësuar nr.9 datë 9.3.2006 i kolegjeve të bashkuara të gjykatës së Lartë/ në të cilin është parashikuar:**

“...

Në përfundim, mund të theksojmë se neni 154 i K.Pr.Civile përcakton në mënyrë analitike elementët përbërës të kërkesëpadisë si mjeti procedural që vë në lëvizje gjykatën për fillimin e gjykimin të një çështjeje civile. Një kërkesë padi që nuk i plotëson këto elementë të domosdoshëm është e papranueshme për t’iu nënshtruar shqyrtimit gjyqësor, prandaj i kthehet paditësit për t’u plotësuar në respektim të rregullave procedurale.”.

10. E drejta/ materiale e procedurale, civile - administrative, në të cilën është parashikuar :

IV. Vlerësimi i gjyqtarit:

11. Në vlerësimin tonë:

11.1. kërkesa e palëve për fillimin e një procesi gjyqësor, është e lidhur me përmbushjen nga ana e tyre të detyrimeve që rrjedhin prej këtij procesi, në format dhe afatet e parashikuara në Kodin e Procedurës Civile (neni 3/ për nenet 154 e 156 të k.pr.civile). Të njëjtën gjë citon edhe praktika gjyqësore e gjykatës së Lartë (po përmendim/ vendimin civil nr.768/1 datë 15.9.2011 të gjykatës së Lartë).

11.2. konsiderohet se/ për procesin e filluar, gjykata i ka mbaruar detyrimet e saja/ në drejtim të orientimit të procesit, dhe në drejtim të kohës së duhur që i ka lënë në dispozicion palës që ka vënë në lëvizje gjykatën/ për të plotësuar kërkesëpadinë në të metat e saj.

11.3. kërkesëpadia është e pa plotësuar në elementët e saj, pasi nisur nga gjendja e kërkesëpadiës së paraqitur/ e nisur nga gjendja e saj në seancë, asaj i mungojnë:

“të dhënat që duhet të përmbajë/ e që duhet të tregojë, dhe jo më të bëhet fjalë për provat/ aktet provuese që duhet t'i bashkëngjiten asaj” (nenet 154 e 156 të k.pr.civile, dhe neni 21 i ligjit nr.49/2012 “Për organizimin dhe funksionimin e gjykatave administrative dhe gjykimin e mosmarrëveshjeve administrative”).

11.4. në këtë gjendje, gjykata e ka të pamundur që të zhvillojë një proces të rregullt ligjor e që të japë një zgjidhje të drejtë e përfundimtare për konfliktin/ mosmarrëveshjen midis palëve.

11.5. bashkë me regjistrimin e padisë duhen *paguar* edhe taksa mbi aktet/ e shpenzimet e nevojshme për njoftimet ose shërbimet e tjera gjyqësore (nenet 154 e 156 të k.pr.civile).

12. Në këto kushte, e çmova se/ kërkesëpadia duhet t'i kthehet palës paditëse, së bashku me aktet e tjera.

13. Në këtë zgjidhje gjykata është bazuar:

në nenet 42 e 145 pika 1 të kushtetutës së ndryshuar, në nenin 6 të k.dnj së, në ligjin nr.49/2012 “Për organizimin dhe funksionimin e gjykatave administrative dhe gjykimin e mosmarrëveshjeve administrative”, e në të drejtën/ materiale e procedurale, civile - administrative.

Sa sipër provohet me aktet shkresore dhe gjithë dokumentacioni në dosje.

PËR KËTO ARSYE

Në bazë të nenit 25 pika 1 gërma a) të ligjit nr. 49/2012 “Për organizimin dhe funksionimin e gjykatave administrative dhe gjykimin e mosmarrëveshjeve administrative” dhe të nenit 158 gërma a § 1 e 2/ për nenin 154 gërma a § 6/ për § 4 e 5 të k.pr.civile.

VENDOSA

VENDOSA

Kthimin e kërkesëpadisë/ në çështjen administrative nr.910 akti, datë 12.1.2015, që është ngritur nga pala paditëse Ramazan Osmani, së bashku me aktet.

Shpenzimet gjyqësore t'i ngarkohen palës paditëse Ramazan Osmani.

Kundër këtij vendimi lejohet ankim i veçanë, në gjykatën administrative të apelit Tiranë.

U shpall në Shkodër me 18 mars 2015.

GJYQATAR

Ahmet JANGULLI

Shpenzimet gjyqësore:

Njoftime

200 lekë,

Akte – Letër

50 lekë,

Shuma:

250 lekë.

Sekretare

Entela HASMUJAJ

EH

VERTETOHET SE VENDIMI KA MARRË FORMË TË PRERË

SOT ME DATË. 16.04.2015

KANCELARE

BLERTA NURJA